

四庫全書

子部

欽定四庫全書

子部

普濟方卷二百七

詳校官太醫院使

臣張肇基

編修臣倉聖脈覆勘

總校官庶吉士

臣何思鈞

校對官中書

臣石鴻緒

謄錄監生

臣張五誥

欽定四庫全書

普濟方卷二百七

明 周王朱橚 撰

泄痢門

總論

難經云有脾泄有大腸泄有小腸泄有大瘕泄名曰後重蓋胃者為黃腸水穀海也故瀉則色黃食不化脾者為胃行其津液者也故瀉則腹脹滿嘔吐大腸謂白腸故瀉則大便色白腸鳴切痛小腸謂赤腸故泄則便膿

血小腹痛瘕者血聚也濁陰之氣結聚於內留滯而不
行則裏結後重數至圜不能便故謂大瘕瀉也胃為水
穀之海其精英則流布以養臟腑其糟粕則傳送以歸
大腸腸胃虛弱或挾風或挾寒或傷暑傷熱停冷蓄熱
冷熱不調泄瀉諸症皆能治之挾風者自汗惡風痛引
腰背挾寒者筋節拘急身體怯寒傷暑者面垢燥渴之
引水漿傷濕者肌肉虛浮肢體重著冷則腸鳴肚冷而
手足清熱則煩燥肚熱而手足溫冷熱不調者乍瀉乍

澇由熱積於內不能去其積徒以冷藥水飲之熱氣無
所發泄故冷與熱搏而下注其或冷積於中不能去其
滯徒以熱藥壓之冷積不得宣行故熱與冷甘而成泄
或澇或澇裏急厚重是其候也外此則傷食一証失飢
傷飽胃不能消心腹膨脹所下酸臭治法當究其感受
之源然後為之固實不窒其源吾恐決潰四出莫知其
終矣然脾胃合氣以消水穀水穀既分安有所謂泄人
皆以泄為脾恙而不知腎病有泄焉腎瀉何如曰腹痛

無定似痢非痢骨弱面黑脚下時冷者是也

諸有泄瀉用不換金

散也除濕湯之類以去風濕以安腸胃此上品藥也次則溫脾養胃之劑投之是為正法然用之而不作効抑且腹痛走上走下或臍間隱痛腰脊疼痛酸骨節軟弱面色黧悴尺脉虛弱病安在哉曰此腎泄也當以炒故紙生薑官桂乾薑木香當歸輩主之仍用安腎丸為佐其或腎水下涸心火上炎燥渴溺多飲無度此陰陽離絕也識者

憂焉

至若泄痢之後腹滿身疼是則為表裏俱病先

當溫裏急與四逆湯然後解表急以桂枝湯與之肝木脾土木能勝土古人慮之固也經肝腎氣虛為病泄瀉亦孰知腎者所以守司於下而肝者又門戶要束之具

東則不瀉也不然泄瀉而面色青慘者古書謂肝經所
受致寒時用當歸厚朴湯以主之果何意哉 太素曰
五泄有澹泄鶩泄飧泄濡泄滑泄也此乃是五泄者青
是感肝木之象其色青赤者受心火之氣其色赤白者
得金肺之氣色白黃者脾土之氣土蒼者土氣之下與
水隨之其色蒼也 泄瀉之症經中所謂飧泄澹洞泄
濡泄溢泄水穀注下是也大腸為五穀傳送之官脾胃
虛弱飲食過度或為風寒暑濕之氣所中皆能令人泄

瀉如傷於風其脉必浮下必帶血當以胃風湯驅散之
如寒氣所傷脉必沉細腹肚切痛下必青黑當以附子
理中湯治中湯等溫暖之若傷於暑則脉必沉微煩渴
引飲其下如水當以飲服五苓散來腹丹以分利之或
夾食則又當以胃苓湯下蘇感丸若濕氣所中其脉沉
緩腰脚冷痺小便自利不渴其下黃黑色當以滲濕湯
藿香正氣湯調之因停食而泄者下必臭類抱壞鷄子
或噫氣作酸先服感應丸推其食積而後理脾氣體虛

弱及年高之人脾氣虛敗而自利者又當投以四柱散
寇附丸若脾腎氣虛清晨泄下一二次二神四神丸主
之又有腎氣虛而泄者又須金鎖正元丹以固之凡治
瀉之法先理其中焦分利水穀然後斷下醫之大法如
此若腳氣泄瀉各以類求滑泄一症最忌五虛五虛者
脉細皮寒少氣前後泄痢飲食不入者是也若得糜粥
入謂泄瀉止作可治也 五泄之病胃小腸大瘕三証
皆以清涼飲子主之其泄自止欬陰虛加甘草以緩之

少陰證裏急後重故加大黃又有太陰陽明二証當進退大承氣湯主之証不能食也當先補而后泄之乃進藥法也先煎厚朴半兩製水煎二三服後未已謂有宿食不消又加枳實二錢同煎二三服泄又未已如稍進食尚有熱毒又加大黃三錢推過泄止住藥如泄未止為腸胃有久塵垢滑粘加芒硝半合宿垢去盡則愈也陽明証能食是也當先泄而後補謂退藥法也先用大承氣湯伍錢水煎服如利過泄則少減之後稍熱退減

大黃一半再煎兩服如熱氣雖已其人必腹滿又減去
大黃與枳實厚朴湯又煎三兩服如腹滿退泄亦自愈
後服厚朴湯數服則已如大便虛滑久不愈太陰傳少
陰為痢為賊邪宜以厚朴枳實湯主之

儒門事親書云
東門一男子病

瀉痢不止腹鳴如雷不敢令坐坐則下注如傾諸醫例
斷為寒症乾薑官桂丁香草蔻之屬枯礬龍骨皆服之
矣何鍼不熅何艾不注迂延將二十載矣一日問於戴
人戴人曰兩手寸脉皆滑余不以為寒然其所以寒者
水也以茶調散涌寒水五七升無憂散泄積水數十行
乃通因通用之法也次以五苓散淡劑滲泄通利之又
以甘露散止渴不數日冷食寒飲皆如故此法王啓玄

稔言之素無人所之信哉又云凡大人小兒暴注水瀉

欽定四庫全書

普濟方

卷二百七

五

不止內經曰此名曰暴注速瀉久而不愈者為洞瀉注下此乃火運太過之病也火星暴注故也急宜用新汲水調下甘露飲子五苓散天水散或用井華水煎此藥於冷服之病即瘳矣不可用御米穀乾薑豆蔻聖散子之類縱然泄止腸胃氣滯不通變腹脹此法宜分陰陽利水道乃為治法之妙也凡泄瀉水穀

不化日夜無度腹中雷鳴下痢完穀可用導水丸禹功散泄之或病人老弱氣虛可用無憂散泄之再觀病勢強弱候一二日可服胃風湯以治其風如不愈者更服桂枝藤黃湯汗之則愈內經曰夫風之中為腸風飧泄啓玄子云風入胃中上黨於胃故食不化而化泄又云

暮食不化為飧瀉又經云春傷入風夏為飧泄故風宜
出汗腸中鳴者風以動之動而有聲慎不可用罌粟莖
麩乾薑大燥之藥病漸者燥之去其濕則愈病甚者攻
之不動反能為害經曰其減則漸其加則甚可用五苓
散去猪苓加人參散 凡下痢膿血腹痛不止者何也
諸瘴瘵皆屬於心火也可用通解丸加減瀉之量其虛
寔用之次用消濕散加生薑大棗芍藥服之瀉訖又用
新水調五苓散服之又一法煎燈心湯調下益元散伍

柴錢此病大忌油膩暈腥熱物 夫瀉痢兩証因腸胃
先虛虛則六淫得以外入七情得以內傷致於飲食不
節過食生冷多飲寒漿洞擾腸胃則成注下注下不已
餘積不消則成滯下治瀉之法先當分利水穀車前子
煎湯調五苓散是也次則上焦中焦正中湯及治中湯是
也理中不効方可斷下乳豆丸固腸丸是也或尚腹痛
未宜斷下斷下太早必成痢疾惟當調中化積痛輕者
宜服治中湯蘇合香丸腹痛更甚者必然成痢也醫經

所謂腹痛甚者必下痢也宜進靈砂丹以逐其積此丹
用之屢驗瀉者止疼者愈有疾者內化且不動臟腑大
凡痢疾不先去其積雖獲暫安後必為害或陰陽相搏
冷熱不調而成瀉痢者當進香連丸更有脾腎頓虛腹
脇膨脹飲食不化而泄瀉者宜助脾腎棗肉丸是也今
之人久瀉不止多投來復丹誤矣蓋來復內用硝石硫
黃皆有利性青皮陳皮又有遵性豈宜服之如夏月暴
瀉乃可服也 臟腑泄痢其証有種種大抵從風濕熱

也是知寒少熱多故曰暴泄非陰久瀉非陽腹而便膿血知氣行而血止也宜大黃湯下之是為重劑黃芩芍藥是為輕劑治法宜補宜泄宜止宜和和則芍藥湯止則訶子湯有暴下無聲身冷自汗小便清利大便不禁氣難喘急脉微嘔吐急以重藥溫之漿水散是也後重則宜下腹痛則宜和身重者除溫脉弘者去風膿血稠粘以重藥竭之身冷自汗以毒藥溫之風邪內縮宜汗之驚澇為痢當內之在表者發之在裏者下之在上者

勇之在下者竭之身表熱者內踈之小便澀者分利之
盛者和之去者送之過者止之除濕則白朮茯苓安脾
則芍藥桂枝黃連當歸宣通其氣則檳榔木香如泄痢
而嘔上焦則生薑橘皮中焦則芍藥當歸桂茯苓下焦
則治以輕熱藥下甚以重熱藥若四肢倦小便少或不利
大便走沉困飲食減宜調胃去濕白朮茯苓芍藥三味
水煎服如發汗惡寒腹不痛加黃芩為主如未見膿而
惡寒乃太陰欲傳少陰也加黃連為主桂枝佐之如腹

痛甚者加當歸倍芍藥如見血加黃連為主桂當歸佐之如煩燥或先便血膿後白或發熱或惡寒非黃連不止上部血也如惡寒脉沉或白腰痛或血臍下痛非黃芩不止此中部血也如惡寒脉沉先血後便非地榆不能止此下部血也唯脉浮大者不可下至冬赤白痢者是冷熱乘於血血滲腸間與津液相雜而下甚者腸虛不復故赤白連滯久不差也凡痢久不瘥脾胃虛弱則變嘔穢胃熱氣逆故嘔也氣逆外有冷折之不通故噦亦變

為蠱蟲食人五臟也三尸九蟲常食居人腸胃腸胃虛則動上食於五臟則心懊懷而悶齒斷唇口並生瘡下食於腸則肛門傷爛而穀道開也輕者可治重者致死大腸蟲痢者冷熱之氣入在腸間先下赤後下白連年不愈侵傷於臟腑下血雜白如病蟲之狀名為腸蟲也有休息痢者胃管有停飲因痢積久或冷氣或熱氣乘之氣動於飲則飲動而腸虛受之故為痢也冷熱氣調其飲則靜而痢亦休腸胃虛弱易為冷熱其邪氣或動

或靜故其痢乍發乍止謂之休息痢也 夫水穀之精
化為血氣津液以養臟腑受風邪入腸胃故痢則津液
空竭臟腑虛燥故痢而兼渴也渴而引飲即痢不止翻
益水氣脾胃已虛不能克消水水氣流溢侵漬肌肉則
變成瘰也病有數種有水痢有穀痢有血痢有膿痢有
膿血相和痢有傷癖痢其水痢者本由脾氣熱消穀作
水穀氣不停便生此痢穀痢者由脾氣冷穀氣不消而
生此痢血痢者由毒熱在腹血流入腸故有此痢膿痢

者由積冷所致膿血相和痢者由冷熱相擊便致此痢
腸澼痢者由積冷在腸間垢澁不能自固便有此痢色
數雖多其源則一皆緣飲食不節將養失宜也腸垢者腸
間津液也由熱痢蘊積腸間虛滑所以因下痢而便腸
垢也當診其脉如下痢微小者生浮洪者死沉弦者下
重脉大者未止緊者邪氣未解脉弱而微渴必自愈腸
澼下膿血者脉宜微滑也若弦急者必死手足厥冷無
脉灸之不溫脉不還反微濡者死身寒者生發熱者死

臨病之際由此驗治之萬不失一 下痢脉滑而數有宿食當下之下利脉遲而滑者寔也利雖未止宜急下之下痢脉反滑當有所去下乃愈下痢不欲食者有宿食當下之下利而腹痛滿為寒寔當下之下利腹中堅者當下之下利而譏語者腹內有燥屎宜下之下利二部皆平一作浮按其心下堅者急下之下利已瘥至其年日月時復發者此為下不盡更下之愈風寒下者不可下下之後心下堅痛脉遲一作浮此為寒但當溫之

脉沉緊下之亦然脉大浮弦下之當已下痢脉浮大此
為虛以強下之故也設脉浮革者因爾腸鳴當溫之下
痢脉遲急為痛未欲止當溫之得冷者滿而便腸垢下
痢身軀疼痛急救裏諸溫之屬可與理中四逆附子湯
熱藥下痢大孔痛者當溫暖之下痢腹脹滿身軀疼痛
者先溫其裏乃攻其表下痢清穀不可攻其表汗出必
脹滿下痢氣者當利其小便下痢脉反浮數尺中自濇其
人必清膿血下痢脉數而渴者今自愈設不瘥必清膿

血有熱故也下痢脉沉弦者下重其脉大者為未止脉微弱數者為欲自止雖發熱不死下痢脉沉而遲其人面少赤下痢清穀必欲冒汗出而解病人必微厥所以然者面戴陽下虛故也下痢有微熱而渴脉熱者今自愈下痢脉數有微熱汗出今自愈設脉緊為未解下痢脉反強發熱身汗者自愈下痢脉大浮弦下當已下痢舌黃燥而不渴胸中寔下不止者死下痢後脉絕手足厥冷時時脉還手足溫者生不溫者死下痢手足厥冷

無脉者灸之不溫若脉不還反微湍者死少陰負跌陽者為順凡六腑氣絕於外者手足寒上氣脚縮五臟氣絕於內者下不自禁下甚者手足不仁也 痢與瀉名目不同而感受之源一也治療之劑大要以散風邪行滯氣開胃腕為先不可遽用肉苳菟訶子白朮輩以補住寒邪不可遽投罌粟殼龍骨牡蠣輩以閉塞腸胃邪氣得補而愈盛補之愈盛而愈作不為纏擾撮痛則為裏急後重所以日久延淹而未已也痢之赤白其赤者

熱乘於血血滲大腸則赤也若風邪挾熱則所下黃而赤其白者冷搏腸間津液凝滯則白也若寒邪併之則所下白而黑冷熱相交故赤白相半重者狀若膿涎而血雜之輕者濃涎中間微有赤縷是也內挾風邪故青血流注或濕毒乘虛入腸胃之間則下如荳汁或有瘀血是也論者以手足寒為冷手足溫為熱於理甚當亦當以赤白而並觀之雖然風寒暑濕感之於外者也其大嚼而傷飽而宿酒漿醢醢以成積滯房閨縱情加奔

走勞役以耗精血非此病生於內者乎必明別內外而推度之則受病淺深用藥輕重知有定向矣下痢壯熱須用敗毒散加陳米間與五苓散黃連阿膠丸下痢雖曰有積有暑如用藥不效即是腰胃有氣邪熱者赤毒者與敗毒散冷者白者不換金正氣散加木香若下痢熱極煩併窘痛或久不愈諸藥不能者須下之以開除濕熱痞閉積滯而使氣液宣行者宜以逐之兼宣痢積熱也 凡治痢不可拘於無積不成痢之說也專以去

積為先豈有一歲之內獨於夏秋之間人皆有積亦須明其脉體之由辨其風寒暑濕所中蓋風邪入胃水來勝土不為暴下則為痢疾其疾所發証候不一有赤痢白痢赤白痢冷痢熱痢蟲痢噤口痢積痢血痢久痢休息痢膿血痢五色毒痢凡下痢赤黃但欲飲冷小便不順利得熱則更極心煩燥喜渴脉虛大而數或沉寔有力由乘虛熱入於胃湊於下焦津液不分併於大腸謂之協熱痢先以小承氣湯一二服蕩之次以五苓

散加車前子以利小便次以黃連阿膠丸治之 治痢
陟釐丸烏梅丸松皮散等暴痢服之何有不差其溫脾
湯建脾丸久不得之焉能得愈大凡痢有四種謂冷熱
疳蠱冷則白熱則赤疳則赤白相雜無復節度多睡眼
澁蠱則純痢瘀血熱則多益黃連去其乾薑冷則加以
熱藥疳則以藥吹灌下部蠱毒則以蠱法治之藥既主
對相當痢者復自勉勵服餌焉有不愈者也

諸瀉痢

方

灸肝散 治脾胃虛弱五癆七傷肌體羸瘦全不思食
久患泄瀉腸滑不止心胸滿悶臍腹疼痛或便膿血
困倦無力四肢沉重及心勞口瘡並皆治之

木香 白朮 生犀角 山茵陳去梗 紅苳蔻 縮

砂仁 桂去麝皮 人參去蘆頭 黑附子炮製去皮臍 石

斛炮剉 狗脊去皮 川芎 良薑 柴胡去苗 訶子

核炮去 草苳蔻炮裂去皮臍 陳皮去白 白芍藥

乾薑

炮

桔梗

防風

紫苑

去土

紫參

去皮

白蕪荑

炒去皮

吳茱萸

洗焙乾各半兩

右為末每二錢羊肝二兩去筋膜薄批摻藥入葱白生薑絲鹽各少許拌勻紙裹水濕文武火煨熟用生薑粥下食前日二

木香荳蔻丸

治臟腑冷極久冷傷憊口瘡下泄米穀

不化飲食無味肌肉消瘦心多嗔怒婦人產後虛冷下泄及一切水泄冷痢脾泄此方於東坡家藏方內

言用此藥與人莫不神應備錄病愈人名姓茲不脩述予用此方十餘年無不取効脾瀉者即愈而瀉痢只一服見効惟熱痢熱瀉不治蓋藥主熱也隨証用之

木香

破故紙各一兩

良薑七錢半

砂仁七錢半

厚朴

七錢半

赤芍藥

半兩

陳皮

半兩

官桂

半兩

白

朮

半兩

胡椒

二錢半

吳茱萸

熱水洗二錢半

肉苳蔻

四箇

枳榔

一箇

右為末用漿水煮豬肝和藥搜勻仍用些麵糊為丸
如梧桐子大每服五七十九空心熬稀米粥飲送下

訶梨勒丸 治五泄痢

訶梨勒

半生半煨
並去核

肉苳蔻

去殼

木香

各三分

乾

薑炮

甘草

炙剉各
半兩

右為末煮醋糊丸梧桐子大每服二十九至三十九

米飲下

鍾乳建脾丸

治男子婦人虛損羸瘦身體沉重脾胃

冷弱飲食不消腹脹雷鳴泄瀉不止又治腸虛積冷
下痢清穀或下純白腹中疼痛及久痢赤白腸滑不
禁少氣羸瘦不思飲食並宜治之

肉桂

去麤皮

人參

去蘆

黃連

去鬚

乾薑

炮

龍骨

各一兩

蜀椒

去目及閉口者微炒出汗三兩半

當歸

去鬚

石斛

去根各一兩

大麥蘖

炒一兩

附子

炮去皮臍五錢

細辛

去苗

土

茯苓

去皮

神麴

碎炒

赤石脂

各一兩

鍾乳粉

一兩半

右為末入鍾乳粉和勻煉蜜為丸如梧桐子大每服
三十九食前服溫米飲下日三服未効用三建湯吞
金粟黃芽丹數粒方見痼冷類一方通治男女集驗
無細辛龍骨

丁香荳蔻散 治脾胃虛弱宿寒停積或飲食生冷物
內傷脾胃泄瀉注下水穀不化胸滿短氣嘔逆惡心
臍腹疼痛脇肋脹滿腹內虛鳴飲食減少及積寒久
痢純白或白多赤少日夜無度或脾胃虛寒泄瀉日

久愈而復發者並宜服之

京三稜

炮

木香

火 不見

厚朴

去麁皮 薑汁製

芍藥

肉苳菟

炮

人參

乾薑

炮

茯苓

白者去皮 各五兩

甘草

炙

吳茱萸

湯泡七 次焙

丁香

各二 兩

蒼朮

去皮

七兩

右為細末每服三錢水一盞薑三片棗一枚同煎至

八分空心食前溫服不及煎入鹽少許湯點服亦得

白朮聖子散

治一切瀉痢久不瘥并婦人產後痢亦治

御米穀

蜜炒 三兩

當歸

乾薑

炮

石榴皮

甘草

訶子

肉苳菰

陳皮

白去

白朮

縮砂仁

芍藥

分各等

右為末每服二錢水一大盞入乳香少許同煎和滓

服

固腸丸

治瀉及泄瀉

肉苳菰

面裹 煨

龍骨

水飛 煨研

阿膠

炒 阿粉

木香

紙濕

裹煨

附子

炮製

乾薑

炮

赤石脂

煨七次 醋碎研

人參

去蘆已上

各一兩

沉香

半兩 鎔
不見火

白朮

二兩
炒

訶子

去核

二兩

右為末粳米糊丸梧桐子大每服七八十九空心米飲下服藥後覺熱去附子加茱萸一兩黃連一兩

大溫脾丸 治脾胃虛弱冷氣攻衝飲食不化心腹脹

痛嘔吐吞酸痞噎及腸鳴泄痢水穀不分面黃肌瘦食減嗜卧並皆治之常服溫脾益胃消穀進食如久虛痼冷食少多傷尤宜常服

吳茱萸

湯泡七次焙

大麥蘖

炒

肉桂

去麋皮各五兩

甘

草

炙

桔梗

人參

乾薑

炮各三兩

附子

炮去皮臍

細辛

去苗各二兩

枳實

麵炒一分半

神麴

碎炒三兩一錢

右為細末煉蜜丸梧桐子大每服二十九溫酒下米飲亦得日三服空心食前一方用枳殼

訶梨勒散

治泄痢無度

訶梨勒

母丁香

各五枚

甘草

炙剉一錢

肉苳菴

麵裹

燒一枚

右為散米飲調下半錢食前服

纏金丹 治大人小兒一切瀉痢無問冷熱赤白連綿

不瘥愈而復發腹中疼痛者宜服之

和劑方

一名不二

丸

硃砂

一方先

乳香

各二錢半

杏仁

去皮尖

巴豆

去皮心膜

出油各

八錢半

黃蠟

朱砂

各一兩

木鼈

半兩

白膠香

錢一

黃丹

二兩半

砒霜

醋煮煨三錢半或研磁罐子以赤石脂固縫鹽泥固

濟燒通赤
候冷取出

右為細末鎔蠟搜和九如麻子仁大每服一九小兒
半丸水泄新汲水下赤痢甘草湯下白痢乾薑湯下
赤白痢甘草乾薑湯下并於臨卧時服孕婦莫服忌
熱物一二時辰一方鎔蠟為劑入油二十點令軟油
單裹旋丸

肉苳蔻丸

出御醫
院方

治腸虛脾弱停積風冷大便泄瀉

水穀不化腹脇脹痛下痢膿血遍數頻併裏急後重嘔
逆惡心肢體困倦飲食減少

肉苁蓉

麵裹煨

黑附子

炮去皮臍

川薑

炮

桂

去皮去麋

硫黃

研

白朮

炒

當歸

去蘆頭各一兩

川烏頭

炮去

皮

紅苁蓉

各半兩

訶子皮

一兩

右為細末醋麵糊丸梧桐子大每服三十丸空心米

飲下

水煮木香丸

仁存方

治腸胃虛弱風濕進襲洩泄水穀

滯下膿血痔刺疼痛裏急後重日夜無度及純下白

痢淡紅黑痢

當歸

洗

芍藥

白

甘草

炙

訶子

去核各半兩

青

皮

陳皮

各一兩

縮砂仁

木香

炮各一分

厚朴

去麁

皮切薑製一兩

罌粟殼

切醋淹炒五兩

右為末蜜丸一兩作五丸每服一丸水一盞煎七分

食前溫服 凡血得熱則淖溢故行得寒則凝滯故

瘀當審其風熱風冷二証與蠱痢大別外有血痔血

枯肉衄酒利肺疽腸胃大蓄遠近瘀血等各有門類

不可混雜積冷積熱及水穀寔而下痢者以大黃湯

下之養生方亦云踈滌之更不知有寒熱風濕虛寔之不同後尋即妄用被害多矣吁可傷哉一方有乾薑無縮砂仁厚朴

白朮調中丸

瑞竹堂

治脾胃不和心下堅痞兩脇脹滿

臍腹疼痛噫宿腐氣霍亂吐瀉米穀不消久痢赤白膿血相雜多日羸瘦不思飲食

神麴

四兩炒

白朮

半兩

人參

去蘆

白茯苓

去皮

猪

苓

去黑皮

澤瀉

各三錢

木香

二錢

官桂

去麋皮一錢半

甘草

去皮炙
一兩

乾薑

炮一兩

右為末麵糊丸梧桐子大每服五七十九空心淡薑

湯下

加味六君子湯

出德生堂

治一切脾胃虛熱泄瀉之証及

傷寒病後米穀不化腸中虛滑發渴微痛不久瘥者
及治小兒脾甘泄瀉得痢

人參 白朮 白茯苓 甘草 黃耆 山藥

砂仁

各一兩

加厚朴

七錢半

肉苳蔻

麵炒另研
七錢半

右為末每服二錢飲水調服不拘時如熱煎麥門冬

水調服

震靈丹

出直指方

治脾瀉腹痛無定處似痢非痢骨痛面

驚腰脚時冷

禹餘糧

火煨醋淬不計遍次手撚碎為度

丁頭代赭石

如上述修製

赤石脂

紫石英

并碎已上各四兩入于鍋內以瓦蓋鹽泥固濟候乾用硬炭一

十斤煨通紅火盡為度入地坑內出火毒二宿研末用

滴乳香

別研

沒藥

五靈脂

并去砂石研各二兩

硃砂

一兩研

右並為細末糯米粉糊丸小雞頭子大風乾每服三
丸用炒故紙入棗湯調鍾乳粉少許空心下小兒腎
泄白膿褐汁面黯齒脫畏人怯寒震靈丹末入些鍾
乳粉以棗煎炒故紙取熱汁調下

胃風湯

出直指方

治大人小兒風冷乘虛入客脾胃風散

氣故血行大腑多便鮮血水穀不化泄瀉注下腸胃
濕毒下如腹脇虛滿腸鳴豆汁或下瘀血日夜無度
臍腹疼痛腸風下血婦人下血過多面黃力倦服此

尤能資補但味甜恐傷穀氣耳

人參 白朮 茯苓 當歸 芍藥 桂心 芎

藭 各二兩 防風

右㕮咀每服三錢水一大盞陳粟米百餘粒煎取七分去滓熱服小兒量力與服今人多用此治痢止瀉者皆非所宜但血痢脾胃虛壯宜服瘡痢皆生於脾虛而有痰外冒風暑致陰陽分爭寒熱更作休作有時病名曰瘧若脾胃虛而受積內挾風暑致臟腑不

調赤白雜下登廁頻數病名曰痢瘧痢二病中外証
雖不同要知此能傷耗氣血治瘧之法當先分陰陽
然後與之驅絕治痢之法當先除積滯然後與之調
止由是而知痰者瘧之根積者痢之源治之者必先
其要可也一方有甘草無防風 易簡加減胃風湯
又云若加熟地黃黃耆 甘草等分足為十味名十
補湯若虛勞嗽加五味子若有痰加半夏若發熱加
柴胡若有汗加牡蠣若虛寒加附子若寒甚加乾薑

皆依本方等分若骨蒸發熱飲食自若者用十補湯加
柴胡二兩服之者氣短加人參若小便不利加茯苓
若脉弦濇加川芎若惡寒加官桂若脉濇加當歸若
腹痛加芍藥若胃熱濕加白朮潔古云黃防風為上
使黃連為中使地榆為下使若血瘀色結者陳血也
加熟地黄若血鮮色紅者新血也加生地黃若寒熱
者加柴胡飢熱者加地骨皮若脉洪寔痛甚者加酒
浸大黃一方無防風

當歸散

出危氏方

住瀉痢

地榆

陳皮

罌粟殼

去蒂
寧攪

當歸

去尾

赤芍藥

甘草

肉苳蔻

煨

黃連

右各等分為末每服二錢冷水調服

沒石子丸

出危氏方

治臟氣虛弱大腸滑泄次數頻併曰

漸羸瘠不進飲食或久患赤白痢脾瀉等病並皆治

之

白朮

白茯苓

各二錢

白薑

切作片子炒

赤石脂

別研

丁香

不見火

訶子

濕紙裹炮取淨皮各二錢

肉苳菰

麵裹炮

沒石

南番者麵炮各二兩

右和勻用湯泡蒸餅為丸梧桐子大每服三四十丸

米飲吞下食前一日三四服棗肉丸亦得

感應丸

出仁存方

治臟腑停積臍腹疼痛米穀不化下痢

赤白泄瀉注下

丁香

木香

各一兩半

肉苳菰

二十枚

百草霜

研二兩

巴豆

七十粒

乾薑

炮一兩

杏仁

一百四十粒去皮尖研成膏

右除巴豆百草霜杏仁外餘為細末和勻用好蠟六兩溶濾去滓更以好酒煮蜜蠟溶候冷取出秤用凡春夏用清油一兩蠟秋冬用油一兩半熔蠟作汁和藥末搗成劑旋丸如菴荳大每服十丸加至三十丸米飲下薑湯亦可食前服三五丸

地榆湯

聖濟總錄

治泄痢無問老小

地榆

剉

酸石榴皮

甘草

炙剉各三分

阿膠

炙燥半分

龍骨

半兩

白石脂

半兩

赤芍藥

三分

厚朴

去麁皮生

薑汁炙

三分

右搗篩每服五錢水一盞半煎一盞去滓空心日午

溫服

斷痢散 治一切瀉痢腹痛久不瘥

肉苳蔻

丁香

乾薑

炮各二錢半

甘草

炙

陳皮

訶子

去核各一兩

御米殼

去蒂蜜浴炒三兩

右咬咀每服二錢半水一盞乳香一粒粟米百粒同

煎至七分去滓服食前霍亂吐瀉冷水服

大聖金真散

出宣明論

治一切寒熱赤白瀉泄等痢疾

御米穀

半斤炒

乾薑

半兩炮

甘草

炙

酸石榴皮

炒

陳皮

去白

白茯苓

當歸

各一兩

右為末每服二錢水一盞小兒半盞乳香同煎至七分食前服忌油膩生硬冷物等

育腸丸

出和劑方

治腸胃虛弱內夾生冷腹脹泄瀉時時

刺痛裏急後重下痢赤白或便膿血晝夜頻併經久不瘥寔腸胃進飲食

烏梅肉

黃連

去鬚各半兩

訶子皮

罌粟殼

去蓋筋蜜

炙

肉苳蔻

濕紙裹煨各半兩

當歸

去蘆酒浸一宿焙一兩

右為末煉蜜九梧桐子大每服三十九至五十九空

心食前飯飲下如小兒作小丸煎甘草乾薑湯下一

方加川芎一分

罌粟湯

治腸胃氣虛冷熱不調或飲食生冷內傷脾

胃或飲酒過度臍腹疼痛泄瀉腸鳴下痢或赤或白

裏急後重日夜頻併飲食減少及腸胃受濕膨脹虛

鳴下如豆汁或下鮮血

艾葉

去梗

黑豆

炒去皮

陳皮

去白

乾薑

炮

甘草

炙各一兩

瞿麥殼

去蒂蜜炙四兩

右判散每服三錢水一盞半煎至一盞去滓溫服食前忌生冷油膩毒物小兒量歲數加減與之

椒艾丸

大成醫方

治久虛寒泄痢不止及治臟腑虛寒泄

瀉不止

烏梅

去核二兩半醋浸布裹蒸

揉成無滓艾

一兩半

川椒

炒去

目

乾薑

炮

赤石脂

黑附子

炮製去皮
脂各一兩

右除烏梅外為細末將蒸烏梅肉研勻更入熟棗肉

蜜少許和九梧桐子大每服二十九食前米飲下

訶梨勒散

治脾胃虛熱內夾冷氣心脇臍腹脹滿刺

痛嘔吐噁心飲食減少腸鳴泄痢水穀不化怠惰少

力漸向瘦弱

青皮

去穢

訶子皮

各四兩

肉苳菹

麴暴燥令
熟一十斤

肉

桂

去麤皮
五斤

附子

去皮臍
十斤

右為末每服三錢水一盞半生薑三片煎至七分食

前溫服

六神散

一名溫脾散

治瀉痢赤白腹痛不可忍痢久不止

者

御米殼

蜜炒一兩

青皮

去白

烏梅肉

乾薑

炮

陳

皮

去白

甘草

炙各半兩

右為細末每服四錢水一盞半乳香一粒同煎至六

分去滓溫服食前日進二服一方無乳香赤痢冷服

白痢熱服花痢溫服一方無乾薑治脾氣下痢日夜
不止腸滑不下食野鷄一隻如食法細研著橘皮椒
葱鹽醋調和作餛飩熟煮空心食之

治泄痢方

百一
選方

夷堅甲志方昔虞丞相自渠州被召途中冒暑得疾
泄瀉連月夢壁間有韻語藥方一紙讀之數過其詞
曰暑毒在脾濕氣連脚不泄則痢不痢則瘡獨煉雄
黃蒸餅和藥甘草作湯服之安樂別作治療醫家大

錯如方服之遂愈

治霍亂水瀉成痢不止

用劉寄奴水煎服

改痢散

出宣
明論

治瀉及一切痢不止小便不通

用向東方日晒久年陳壁土和車前子同炒篩去土
止將車前子研為細末每服三錢米飲調服如車前
子難為末米湯濃煮絹濾滓服

止洩痢

出本
草方

取鷄以小豆和生薑煮食之

褐丸 治消食化氣止泄腹中諸冷疾疼痛常服和胃
消氣進食止泄去積凡食物壅隘不消及有泄痢先
服此藥為妙

烏頭

炮去
皮臍

桂

香附

乾薑

炮

陳皮

炒各
一兩

右為末先用巴豆取肉清油內慢火煎自早至午候
巴豆如皂子色即止淨拭水中浸兩日在換水又拭
乾研如油須及細研一日方可用以鐵匙刮出薄攤

新瓦上如一層紙厚候少時以鐵匙刮下再研極細
每巴豆霜一兩配諸藥五兩細末與巴豆同研千萬
匝再用絹羅過更研令勻用陳米一升半為末水調
成膏直候微酸臭即煮為硬糊細研令無塊硬處及
與衆藥一處丸如菴荳大每服五七丸空心飲水下
氣寔加丸數其效不可殫述藥方至多無如此方東
坡家藏方用朱砂為衣

赤石脂散

出和
劑方

治腸胃虛弱水穀不化泄瀉注下腹

中雷鳴及冷熱不調下痢赤白腸滑腹痛遍數頻多
脇肋虛滿胸膈痞悶肢體困倦飲食減少

赤石脂

煨

甘草

鹽各五兩

縮砂仁

二十兩

肉苳菴

麵裹煨熟

四十兩

右為末每服二錢溫粟飲調下食前空心服

地榆散

出和劑方

治腸胃氣虛冷熱不調泄瀉不止或下

鮮血或如豆汁或如豚肝或膿血相雜赤多白少腹痛後重遍數頻併全不入食

石榴皮

蓮蓬

去莖

甘草

炙

罌粟殼

去根蒂蜜炙各等分

右為細末每服二錢水一盞半生薑三片煎一盞通

口服不拘時

玉花白丹

出和劑方

治臟腑久虛止瀉止痢

陽起石

入乾鍋煨通紅酒淬傾陰地上乾莫見日

左顧牡蠣

鹽泥固劑煨紅

取白者用

白石脂

煨紅各一兩半

鍾乳粉

一兩

右研如粉和畢糯米糊丸如雞頭大入地坑出火毒一宿每服一粒空心米飲下渴者濃煎人參湯放冷

送下熱水亦得常服溫平不僭不燥澤肌悅色祛除
宿患婦人久無妊者以當歸熟地黃酒浸下便有符
合造化之妙或久冷崩帶虛損臍腹撮痛艾醋湯下
服必以少白粥壓之忌猪羊血菜荳粉恐解藥力尤
治久患腸風臟毒一名震靈丹

神應丸

出瑞竹堂

治水瀉食瀉積瀉赤白痢休息痢不問

遠年近日并治

黃連

二兩一半生用
一半熟用炒

吳茱萸

淨二兩

罌粟殼

一兩
去筋

木十分淨

木香

二兩俱要用心秤足

炒黑色

右為細末用陳倉米粉同好米醋糊為丸如梧桐子大每服五七十九空心米飯下

治泄瀉臟腑不固只一二服効老人小兒尤宜服便血

或痢皆可用

出百一選方

用白石脂真者炭火煨過通紅取出放冷研細米飯調下三二錢

大已寒丸

出直指方

治沉寒固冷臟腑虛憊心腹痞痛脇

肋脹滿泄瀉腸鳴自利自汗久痢休息米穀不化陽
氣暴衰陰氣獨勝手足厥冷傷寒陰甚神昏脉短體
倦服之

華撥

肉桂

各四兩

乾薑

炮

高良薑

各六兩

右為末麵糊丸如梧桐子大每服三十九空心米飲
下

大聖丸

出和劑方

治腹痛泄痢不可忍者

御米穀

蜜浴炒二兩

甘草

炒

芍藥

川芎

各半兩

右為麤末每服二錢水一盞煎至七分去滓食前溫服

治痢疾不問赤白痢及水瀉皆可

白礬

一兩

肉苳蔻

一兩為末

杏仁

一百粒炒存性為末

黃蠟

一兩

右件先以黃蠟熔開下白礬候礬開即入二件末中搗千百下成膏旋丸如梧桐子大每服三十九空心用溫水下如咳嗽唾痰喘急不得睡卧者用生薑湯

食後送下五十九辰砂為衣更好

木香散 治瀉痢

米穀

二兩

神麴

半兩

甘草

一兩

乾薑

半兩

右為麤末每服三錢水二盞煎去滓無時服

萬金飲

一名三和湯

治脾胃虛弱內受風寒或飲食生冷

傷於脾胃嘔吐泄瀉臍腹疼痛脇肋脹滿腸內虛鳴
及腸胃受濕膿血相雜下如黃汁或下瘀血裏急後
重日夜無度飲食減少漸至瘦弱冷熱痢並皆治之

出和劑方

陳皮

去白

甘草

半生半炙

罌粟殼

去蒂蓋半生半熟蜜炙各等分

右為麤末每服四錢先用沸湯泡中熱又於碗內盛重湯坐盞在內却抄藥末在中用沸湯泡至七分盞上用盞蓋之良久紗濾去滓空心食前溫服血痢入烏梅一箇罌粟殼本草不說治痢近用之極効其功不下地榆黃蘗秦皮但性急瀉服之則嘔不可不知一方治赤白痢陳皮罌粟殼蜜炙一半

右等分為細末每服二錢陳米飲調服

紅蠟丸 治諸積瀉痢及暴氣瀉

丹砂

研令極細

粉霜

硫黃

各一分三味同研

巴豆

去皮取半

兩不破者微用油炒熱湯洗去油拭干

右研如膏鎔黃蠟一兩半劑勻旋丸黍米大米飲下

三二九暴瀉水下赤痢甘草湯下白痢乾薑湯下白

赤痢甘草乾薑湯下婦人血氣紅花酒下

如聖針頭丸 治瀉痢等疾大効

廣木香

無鹽豆豉

巴豆

已上各等分

右為末丸如黍米尖八十至小兒皆一九如水瀉榆皮湯下白痢乾薑湯下赤痢甘草湯下赤白痢乾薑甘草湯下用倒流水送下

神效鷄清丸

出瑞竹堂

治一切瀉痢

木香

二兩

黃連

二兩

肉苳蔻

十箇大者生

右先為細末取鷄子清搜藥作餅子於慢火上炙令黃色變紅稍乾再為末麵糊為丸如梧桐子大每服

五十九空心米飲湯下

防風芍藥湯

出濟生
拔萃方

治泄痢飧泄身熱脉弦腹痛而

渴及頭疼微汗

防風 芍藥

黃芩

已上各
一兩

右㕮咀每服半兩或一兩水三盞煎一盞溫服

大香連丸

一名秘方
香連丸

治丈夫婦女腸胃虛弱冷熱不

調泄瀉煩渴米穀不化腹脹腸鳴胸膈痞悶脇肋脹
滿或下痢膿血裏急後重夜起頻併不思飲食或小

便不利肢體怠惰漸成瘦弱宜服

醫方大成

石榴皮

出肘後方

治暴瀉不止及痢下赤白

用酸石榴皮燒灰存性不以多少研為細末每服二錢空心用米飲調下

炙鷄散

治脾胃氣虛腸滑下痢

用黃鸚鷄一隻治如食法以炭炙之乾了以鹽醋刷之又炙令極乾空腹食之

厚朴散

治氣止瀉痢霍亂

厚朴

去麋皮生薑汁炙令紫二兩

甘草

炮

白芷

乾薑

炮

懷香子

畧炒各半兩

陳橘皮

去白焙乾一兩

吳茱萸

浸湯

焙干炒

三分

右為散每服二錢凡氣不和鹽湯調下霍亂吐瀉煎木瓜紫蘓湯調下泄瀉米飲調下赤白痢甘豆湯調下並食前

白朮安胃散

出濟生拔萃方

治一切瀉痢無問膿血相雜裏

急窘痛日夜無度又治男子小腸氣痛及婦人臍下

虛冷並產後兒枕塊痛亦治痛產後虛熱寒熱不止者

茯苓

白朮

各一兩

五味子

半兩

烏梅

取肉半兩炒

車前子

三兩

御米殼

三兩去頂穰醋淹一夕蜜炒

右為麤末每服五錢水一盞半煎至一盞去滓空心

溫服

不二散 治諸般瀉痢神妙

罌粟殼

二兩

甘草

一兩炙

青穰

去穰焙乾二兩

陳皮

去穰

焙乾
二兩

當歸

甘藤

一兩如無
乾葛代

右為細末每服二錢水一盞煎至七分去滓通口服

如患赤白痢用酸石榴皮一片同煎極妙

二香散

一名參
香散

治瀉痢如神及腹痛下痢日夜頻數

出楊氏

家藏方

罌粟殼

蜜煎

乳香

木香

人參

黃連

去蘆鬚
二十兩

用茱萸十兩同炒

木香

不見火四兩

今赤去茱萸不用

八錢八分

右為細末醋糊為丸如梧桐子大每服二十九飲飯

吞下空心食前服日進三二服一方用粟米飯為丸

一方二味生用鷄子黃為丸白痢乾薑湯下赤痢甘

草湯下赤白痢用甘草乾薑湯下血痢用醋湯下肘

後方用白蜜為丸久冷用煨蒜為丸嬰孺用之亦効

二聖散

出御藥院方

治泄痢不問新久並皆治之

乾黑木耳

炒一兩

鹿角膠

一分炒如珠子

右為細末每服三四錢溫酒調下不拘時候

赤石脂禹餘糧湯

出直指方

治泄痢諸藥不効以此固其

下焦

赤石脂

劉小塊

禹餘糧

煨醋淬以酥為度

右等分夾和每服四錢空心煎溫服

小紅丸 治瀉痢腹痛膿血赤白及一切痢

明信

明丹

各一兩

右研極細鎔明蠟一兩油五七點和為劑旋丸如豌豆

豆大每服二九泄瀉冷水下痢甘草水冷下血者局

風胃湯

益元散

出宣
明論

治身熱吐痢泄瀉不止腸癖下痢赤白

癃閉淋痛利小便偏主石淋

乃服金石熱藥而結砂
石從小便淋出者也

蕩胃中積聚寒熱益精氣通九竅六腑生津液去留

結消蓄水止瀉痢除煩熱心燥腹脹痛悶補益五臟

大養脾腎之氣

皆腎水之臟非
為水之腑也

理內傷陰痿安魂定

魄五勞七傷一切虛損主痢瘕驚悸健忘止煩滿短

氣臟傷欬嗽飲食不下肌肉疼痛并口瘡牙齒疳餌

明耳目壯筋骨通經脉和血氣消化水穀保元真解

百藥酒食邪毒耐勞役飢渴寒熱辟中外諸邪所傷
久服強志輕身駐顏延壽及解中暑傷寒疫癘飢飽
勞損憂愁思慮恚怒驚恐傳染并汗後遺熱復諸疾
并解兩感傷寒能令遍身結滯宣通氣和而愈及婦
人下乳催生產後損益血衰陰虛熱甚一切熱證兼
吹妳乳癰乃神驗之妙藥也惟孕婦不宜服滑胎也

桂府臚白滑石

六兩

甘草

一兩
炙

右為末每服三錢蜜少許溫水調下無蜜亦得日三

服欲冷飲者新汲水調下鮮利傷寒發汗煎葱白豆
豉湯調下四錢水一盞葱白五寸豆豉五十粒煮汁
一盞調下併三服効為度此藥是寒涼解散鬱熱設
病甚不解多服此藥平狀無害但有益而无損乃惡
性寒兼易得之賤物而不明素聞造化之理而不取
本草神驗之言多不用焉若以隨証驗之乃凡人之
仙藥也不可闕之傷寒當汗而不可下當下而不可
汗者且如誤服此藥則汗出自愈裏熱便得宣通而

愈或半在裏半在表可和解而不可發汗吐下者若服上藥多愈小効是解散拂鬱邪熱甚者小加減涼膈散和解為佳或人不當汗者更可加蒼朮三分同葱豉煎湯調服甚良如孕婦不宜服滑石麻黃桂枝要發汗當用甘草一兩蒼朮二兩同為末每服四錢水一盞半更加入葱白五寸豆豉五十粒同煎至七分去滓溫服併三服取微汗為度逼毒散非孕婦可服太白散加麻黃二兩去節如法煎服世云神白散或

通毒散與加麻黃蒼朮各等分去節秤濟衆云青龍散或青龍散欲更加入滑石與蒼朮二倍最為發汗之妙藥也唯正可汗者即用誤服之轉加熱也名曰大通毒散或解利兩感同更煎涼膈散調下益元散四錢下乳用猪肉麵羹或酒之類調下四錢不計時候日三服宜服肉麵羹粥催生用溫油漿調下三錢併二三服以產為度或死胎不下者煎三一承氣湯一服調下伍錢須臾更頻用溫油漿調服煎後俱下

胎可活產母也凡難產或死胎不下皆由風熱燥澀
緊歛結滯不能舒緩是故產戶不得自然開也其藥
力至則熱結頓開而產矣慎不可溫補而反生燥熱
也欲未知產後日夜損血疼痛怖懼以致神狂氣亂
則陰氣損虛邪熱太甚而為諸証由不明素問造化
故不識証候陰陽反以謂產後諸虛百損便為虛冷
而無熱也誤以熱藥溫補或見渴甚者不令飲水為
本善心為害多矣豈知治病之道俱以臨時審其臟

腑六氣虛實明其標本如法治之而已矣此藥之常
多用雖為効至大俗以病異藥同將為妄行反招侮
慢今以若加黃丹令桃紅色是以名之紅玉散若加
青黛令輕粉碧色名碧玉散若加薄荷葉末一分同
研名鷄蘂散主療並同但以迴避愚俗之妄侮耳
二勝丸 名香鼓丸
出宣明論 治泄瀉虛損不問久新者治痢亦
可

鹽豉

紫薑

去皮各
等分

右同杵為膏九如梧桐子大每服三九至五九米飲
湯下如未愈赤白痢腹脇痛更與杏仁九一方用豆
豉丸服五十九

杏仁丸

出指
南方

治一切赤白瀉痢腹痛裏急後重者

杏仁 巴豆

去皮各四
十九箇

右以藥同燒存性研細如泥用蠟攢定旋丸如桐子
大每服一二九煎大黃湯下間一日一服一方無蠟
攢醋糊為丸梧桐子大每服一九米飲下

勝金膏

出宣
明論

治一切泄瀉痢不已諸脉浮洪者及多

日不已脉小者立止

巴豆皮

楮實葉

同燒
存性

右為末蠟蜜丸如棗荳大每服五丸煎甘草湯下

消內靈砂丹 治瀉痢取積滯

黃蠟

一兩

巴豆

十四箇去殼作兩片入
黃蠟內熬巴豆黑為度

右件去巴豆不用將硃砂二錢用水煮乾只用一錢
重仍入黃蠟內再熬就入朱砂末一二錢以黃蠟紅

為度候冷刮下如用時旋丸小兒三歲只服十九如
黍米大大人服十九如大麻子大白痢白薑湯下赤
痢甘草湯下空心服如病人身體涼微細弦細皆是
好証便用此藥止如病人身上有冷熱初不可便止
先服前藥十九次服五苓散加車前同煎三服小便
清退盡熱方可再用煎藥止住如尚有熱止之決不
住反生疼痛如止了熱又不止住可用後藥

治瀉痢

用正氣散一貼加烏梅棗子罌粟殼煎服

治暴瀉痢

用百草霜研末米飲調下

止泄痢下食開胸膈痰實結氣下氣止渴

用乾橘皮一斤搥為末蜜為丸每食前酒下三十丸

治下焦冷又取陳皮乙斤和杏仁五兩去皮尖熱加

蜜為丸每日食前三十九下腹臍間虛冷氣腳氣衝

心心下結哽



勝金丸 治瀉久痢

當歸

二兩用吳茱萸一兩用炒香
熟去茱萸不用只用當歸

黃連

三兩

右為細末煉蜜丸如桐子大每服三十丸米飲下

三神丸

出和劑方

治清濁不分泄瀉注下或赤或白臍腹

刺痛裏急後重用台烏頭三箇去皮尖一箇炮一箇

醋煮透一箇燒成灰存性為末醋糊為丸如菉豆大

每服二三十丸水瀉用逆流水下赤痢甘草湯下白

痢乾薑湯下赤白痢甘草乾薑湯下一方醋煮者只

生用亦可一方云草烏水泄井花水並空心服忌腥
臊熱毒生冷一方大人五七丸小兒三九

治泄痢并下痢赤白

出仁
存方

用敗毒散陳米五十粒煎服治禁口痢妙一方加薑
棗煎服一方治禁口痢晝夜無度脉勢遲者藥四錢
陳米百粒薑三片棗二枚煎去滓食前溫服名倉廩
湯經驗方陳氏曰余第二子年十歲病此用此藥一

効

治寒熱泄痢瘴瘧寒邪氣泄痢陰氣不足止渴及病酒頭痛

用小豆花於鼓中煮三沸調和作羹食之小豆花本草名臍脾

肉苳蔻方 治脾瀉痢氣等

以苳蔻二顆米醋麴調裹之置灰中煨令黃焦和麴研末更以炒了櫟子末一兩相和又焦炒陳倉米為末每用二錢煎作飲調前二物三錢旦暮各一服便瘥

治洩痢益氣和中去當風卧濕遇冷所中等病

用黃涼米作飯食之

治瀉痢

取艾葉三月三日採作煎其治冷者患冷氣取熟艾
麴裹作餛飩大如彈子一方為乾餅子生薑煎服

白澤丸 治脾元積冷臟腑虛寒真元不固腸虛泄痢
心腹攢痛氣逆嘔吐自汗無時

陽起石

火煨過
赤研

附子

炮去皮臍取
末各半兩

白檀香

取末

滴乳香

別研

射香

別研各一兩

鍾乳粉

揀好者二兩

右和勻滴水成劑分作六十九每服一九水一盞化開薑三片煎至七分通口溫服食前空心一方附子只用一兩去射香加天雄一兩炮去皮臍

火輪散 治虛滑泄下寒不禁及暴脫欲死

治諸色瀉痢方

出朱氏集驗方

夏曰臟氣不和而渴宜以香薷湯調胃茯苓散若有裏急後重宜進胃氣湯加枳殼仍以麵炒去穰若有積

滯宜進蘇感丸若水瀉宜進酒蒸黃連丸

梅膠圓

出十便良方

治瀉痢

黃連

四兩

烏梅

二兩

訶子

阿膠

茯苓

當歸

各一兩

右為細末湯浸蒸餅糊丸每服三十至四十九泄瀉米飲下赤痢甘草湯白痢乾薑湯下

固腸散 主瀉痢日久不止羸不能食

肉苳菟

生用

木香

不見火

訶子

炮去核

乾薑

炮

阿井膠

陳皮去白

瞿粟殼

醋炙各等分

右為末生薑三片紅棗一枚煎至七分臨卧服

御米丸

出朱氏集驗方

治一切瀉痢

肉苳菟

訶子

白茯苓

白朮

各一兩

石連肉

當歸

各半兩

瞿粟殼

一兩半蜜炙

乳香

二錢

右為末水糊為丸每服三十五丸米飲下如血痢減

苳菟白朮當歸瞿粟殼

澤蘭散

出朱氏集驗方

澤蘭葉

微炒川中謂之荀苗

米囊皮

薑汁或蜜汁去膜

甘草

炮

蒿豉

以五月五日用青蒿真艾葉各等分同豆豉搗亂作餅日乾

右以服水一盞半煎再煉赤如黃連白加乾薑

和氣飲

出續易方

治腹痛腸鳴泄痢

蒼朮

一兩四錢

桔梗

一兩二錢

枳殼

去麤皮麤炒

橘皮

各六

錢

白芍藥

白芷

川芎

當歸

赤茯苓

桂

去麤皮

半夏

湯洗七次

甘草

炙各三錢

厚朴

去麤皮薑製

乾薑

各四分

吳茱萸

炒半兩

右剉散每服四錢水一盞半生薑三片煎至八分去

滓食前通口服二滓并煎

大霍香散

出如
宜方

治心肺脾胃氣變泄痢心腹攢痛

霍香 木香 青皮 神麴 肉苳蔻 大黃蘗

人參 甘草

炙

厚朴

製

乾薑

半兩

訶子

白茯苓 陳皮

製各
一兩

右為末每服二錢陳米飲入鹽調熱服大治脾泄

小丁香散

出王氏
博濟方

治腸虛洩痢

丁香

一分

附子臍

一兩炮製去皮切作片子

生薑

去皮二兩細細切用

右件三味除丁香外同於鈹子內炒令黃色碾細為末每服一錢溫粥飲調下

木香熱呷散

廣南四時攝生

治一切瀉痢

木香

半兩

肉苳蔻

一斤去皮濕布裹炮

肉桂

去無味者一分

陳

橘皮

一分

紫花木

二分濕布裹炮

甘草

炙半

右為散每服一錢水六分煎五六沸傾下熱呷如霍亂吐泄不止入薄荷二葉同煎熱呷忌生冷物

地榆散 治瀉痢或血痢

地榆

微炒

當歸

微炒

阿膠

糯米炒

黃連

去須

訶子

肉

炒取肉秤

木香

懷乾

烏梅肉

去核秤淨已上各半兩

右等分為末煉蜜為丸如桐子大每服二三十丸陳米飲吞下先公頃在括蒼病痢踰月得此方而愈余傾在雲上士人蘇子病此為甚其婦翁孫億來告急錄此方以與旋即痊安致謝去

菴香丸

出經藏經驗方

和脾順氣止泄痢治腹疼并臟寒大

便青色腹肚虛鳴頻併不止

木香

人參

甘草

炙各一兩

罌粟殼

蓋房炒黑色二兩

肉苳蔻

十枚醋麵裹煨黃赤色去麵不用

右為細末煉蜜為丸隨大小加減旋丸清粥飲化下
無時服及療傷令泄瀉驚風入脾霍亂吐瀉不納奶食
大便不消化痢下赤白石榴皮煎湯化下臨丁黃掌
書元善三世醫小兒只有數十萬皆妙此一也吾家
諸孫服之有效大人亦可服之

溫中厚朴湯 老人虛平時多腹脹心下痞有妨飲食
或刺痛泄痢氣痞滯思得

厚朴

去皮
細剉

甘草

細剉

生薑

細切
洗

青州棗

切已
上各

等分

右上一味杵令得所方入生薑棗再杵令勻勻相入
取出以火焙至漚漚入鍋釜內慢火炒至紫色杵羅
為細末每服一錢擦生薑少許沸湯點空服以知為
度氣味殊美兼腹愈疾不易為也

治泄痢

以建茶合醋煎服之

止洩痢并渴

以鈎粟子食之

止瀉痢調中去熱健人

因用小麥麴作餅食之

止洩

以甜藤葉搗汁服之

治腸虛泄痢

用五倍子為末熱湯服

治泄痢

以清蒿為末飯飲調五錢服之

治四時暴泄痢四肢冷臍腹疼

用深湯中坐浸至腹上頻頻作生陽佐藥無速於此
虛寒人始坐湯中心戰仍常令祇守

普濟方卷二百七